

歐陽文忠公集

二

居士集卷第一 歐陽文忠公集一

古詩三十八首

顏跖

顏回飲瓢水陋巷卧曲肱盜跖戾人肝九州恣橫行回仁而短命跖壽死免兵愚夫仰天呼禍福豈足憑跖身一腐鼠死朽化無形萬世尚遭戮筆誅甚刀刑思其生所得豺犬飽臭腥顏子聖人徒生知自誠明惟其生之樂豈減跖所榮死也至今在光輝一作輝如日星譬如埋金玉不耗精與英

三百七十三

歐陽文忠公集一

二

陳廣平

生死得失間較量誰重輕善惡理如此毋尤天不平

猛虎

猛虎白日行心閑貌揚揚當路擇人肉一作熊豬不形相頭垂尾不掉百獸自然降暗禍發所忽有機埋路傍徐行自踏之機翻矢穿腸怒吼震林丘瓦落兒墮床已死不敢近目睛射餘光虎勇一作猛恃其外爪牙利鈎鋸人形雖羸弱智巧一作巧乃中藏恃外可摧折藏中難測量英心多決烈自

信不猜防老狐足姦計安居一作穴垣墻
窮冬聽冰渡思慮豈不長引身入扱中將
死猶跳踉狐姦固堪笑虎猛誠可傷

仙草

世說有仙草得之能隱身仙書已怪妄此
事况無文嗟爾得從誰不辨偽與真持行
入都市自謂術通神白日攫黃金磊落揀
竒珍旁人掩口笑縱汝暫懽忻汝方矜所
得謂世盡盲昏非人不見汝乃汝不見人
遊龍門分題十五首

三百四

歐陽文忠公集一

二

陳

上山

躡蹻上高山探險慕幽賞初驚澗芳早忽
望巖扉敞林窮路已迷但逐樵歌響

下山

行歌翠微裏共下山前路千峯返照外一
鳥投巖去渡口晚無人繫舸芳洲樹

石樓

高灘復下灘風急刺舟難不及樓中客徘徊

泐川上山

一作山上
一作山上看

夕陽洲渚遠唯見

白鷗翻

貝彩雲上方閣

聞鍾渡

一作動

寒水共步尋雲嶂還隨孤鳥

下却望層林上清楚遠猶聞日暮空

一作千

山響

伊川泛舟

春谿漸生溜演漾迴舟小沙禽獨避人飛

去青林杪

宿廣化寺

橫槎渡深澗披露採香薇樵歌雜梵響共

向松林歸日落寒山慘浮雲隨客衣

歐陽文忠公集

卷一

三

藍屋

自菩提步月歸廣化寺

春巖瀑泉響夜久山已寂明月淨松林千

峯同一色

去青林杪八節灘

亂石瀉溪流跳波濺如雪往來川上人

一作

上寒川朝暮愁灘闊更待浮雲散孤舟弄明

月

白傅墳

芳荃奠蘭酌共弔松林裏溪口望山椒但

見浮雲起

晚登菩提上方

野色混晴嵐蒼茫辨煙樹行人下山道猶
向都門去

山槎

古木卧山霄危根老盤石山中苦霜霰歲
久無春色不如崑下桂開花獨留客

石笋

巨石何亭亭孤生此巖側白雲與翠霧誰
見琅玕色惟應山鳥飛百轉時來息

鴛鴦

畫舫一作船鳴兩槳日暮芳洲路泛泛風波
鳥雙雙弄紋羽愛之欲移舟漸近還飛去

魚一作魚罾

春水弄春沙蕩漾流不極笱箸苦難蒲終
日沙頭客向暮卷空罾棹歌菱浦北

魚鷹

日色弄晴一作清川時時錦鱗躍輕飛若下
鞬豈畏風灘惡人歸晚渚靜獨傍漁舟落

伊川獨遊

東郊漸微綠驅馬忻獨往梅繁野渡晴泉

落春山響身閑愛物外趣遠諧心賞歸路
逐樵歌落日寒川上

三遊洞 一本作夷陵九詠一三遊
二下牢溪三蝦蟇碛四

勞停驛五龍溪六黃溪夜泊七黃
牛峽祠八松門九下牢津居士集

本古律各從
其類今從之

漾檝沂清川捨舟緣翠嶺探竒冒層嶮因

以窮人境弄舟一作終日愛雲山徒見青

蒼杳靄間誰知一室煙霞裏乳竇雲腴凝

石髓蒼崖一徑橫查渡翠壁千尋當戶起

昔人心賞為誰留人去山阿跡更幽青蘿

二十九

歐陽文忠公集一

五

李奇

綠挂何岑寂山鳥嘒嘒不驚客松鳴澗底

自生風月出林間來照席仙境難尋復易

迷山回路轉幾人知惟應洞口春花落流

出巖前百丈谿 即下牢
溪也

下牢溪

隔谷聞溪聲尋溪度橫嶺清流涵白石靜

見千峯影巖花無時歇翠栢鬱何整安能

戀潺湲俯仰弄雲景

蝦蟇碛 今土人寫作
背字音佩

石溜吐陰崖泉聲蒲空谷能邀弄泉客繫

舸留巖腹陰精分月窟水味標茶錄共約
試春芽槍旗幾時綠

黃牛峽一本無祠

大川雖有神一作神靈固淫祀亦其一作本風俗石

馬繫祠門山鷓噪叢木潭潭村鼓隔溪聞

楚巫歌舞送迎神畫船百丈山前路上灘

下峽長來去江水東流不暫停黃牛千古

長如故峽山侵天起青嶂崖崩路絕無由

上黃牛不下江頭飲行人惟向舟中望朝

朝暮暮一作終日見黃牛徒使行使一作誰人

歐陽文忠公集

六

李壽

過此愁山高更遠望猶見不是黃牛一作灘中

滯客舟語曰朝見黃牛暮見黃牛一朝一暮黃牛如故言江惡難行久不能

也過

千葉紅梨花峽州署中舊有此花前無賞者知郡朱郎

中始加欄檻命坐客賦之

紅梨千葉愛者誰白髮郎官心好奇徘徊

繞樹不忍折一日千巾看無時夷陵寂寞

千山裏地遠氣偏時節異愁煙苦霧少芳

菲野卉蠻花鬪紅紫可憐此樹生此處高

枝絕一作紅豔無人顧春風吹落復吹開山

鳥飛來自飛去根盤樹老幾經春真賞今
纔遇使君風輕絳雪罇前舞日暖繁香露
下聞從來奇物產天涯安得移根植帝家
猶勝張騫爲漢使辛勤西域徙榴花

金雞五言十四韻

蠻荆鮮人秀厥美爲物恠禽鳥得之多山
雞稟其粹衆綵爛成文真色不可繪仙衣
霓紛披女錦花綵綵輝華日光亂眩轉目
睛備高田啄秋粟下澗飲寒瀨清唳或相
呼舞影還自愛豈知文章累遂使網羅掛
及禍誠有媒求友反遭賣有身乃吾患斷
尾亦前戒不羣世所驚甚美衆之害稻梁
雖云厚樊紲豈爲泰山林歸無期羽翮日
已鍛用晦有前言書之可爲誠

和丁寶臣遊甘泉寺

寺在臨江一
山上與縣解

對相

江上孤峯蔽綠蘿縣樓終日對嵒峩叢林
已廢姜祠在事迹難尋楚語訛

寺有清泉
泓俗傳

爲姜詩泉亦有姜詩祠案
詩廣漢人疑泉不在此

空餘一派寒巖

側澄碧泓渟涵玉色野僧豈解惜清泉蠻

俗那知爲勝迹西陵老

一作縣

令好尋幽時

共登臨向此遊歌危一逕穿林樾盤石蒼

苔留客歇山深雲日變陰晴澗栢巖松度

歲青谷裏花開知地暖林間鳥語作春聲

依依渡口夕陽時却望層巒在翠微城頭

暮鼓休催客更待橫江

一作孤舟

弄月歸

送京西提點刑獄張駕部

太華之松千歲青嘗聞其下多茯苓地靈

山秀草木異往往變化爲人形神仙不欲

世人採覆以雲氣常冥冥臺郎何年

一作處

歐陽文忠公集一

八

刘忠

得真訣服餌既久毛骨清汝陽昔見今十

載丹顏益少方瞳明郡齋政成罇俎樂高

談日接無俗情詔書忽下褒美績使車朝

出行屬城職清事簡稱雅

一作高

意蠹書古

篋

一作蒲筥

晨裝輕洛陽花色笑春口錦衣

晝歸閭里驚白云就欲

一作欲

謝官去烏紗

白髮西臺卿他年我

一作終

亦老嵩少願乞

仙粒分餘馨

贈杜默

一本注云默師太學先生石守道介

南山有鳴鳳其音和且清鳴於有道國出

則天下平杜默東土秀能吟鳳凰聲作詩
幾百篇長歌仍短行携之入京邑欲使衆
耳驚來時上師堂再拜辭先生先生頷首
遣教以勿驕矜贈之三豪篇而我濫一名
杜子來訪我欲求相和鳴顧我文字卑未
足當豪英豈如子之辭鏗鏗間鏞笙淫哇
俗所樂百鳥徒方一作嚶嚶杜子卷舌去歸
衫翩以輕京東聚羣盜河北點新兵饑荒
與愁苦道路日以盈子盍引其吭發聲通
下情上聞天子聰次使宰相聽何必九包

三升

歐陽文忠公集卷一

九

梅

禽始能瑞鳴一作堯庭子詩何時作我耳又
已傾願以白玉琴寫之朱絲繩

送呂夏卿

夏卿父造字公初有名
進士也一本云送呂先

輩赴端州
高要尉

始吾尚幼學弄筆羣兒爭誦公初文嗟我
今年已白髮公初相見猶埃塵傳家尚喜
有二子始知靈珠出淮濱一作海濱去年
束書來上國欲以文字驚衆人駑駘羣馬
斂足避天衢讓路騰踏先騏驎尚書禮部
奏高弟斂衣襍硯趨嚴宸曠曠春日轉黃

傘藹藹賦筆擣青雲我時寓直殿廬外衆
中迎子笑以忻明朝一作晨失意落人後我
爲沮氣羞出門得官高要幾千里猶幸海
遠一作海無惡氛英英帝圃多鸞鳳一作鳳上
下羽翼何繽紛期子當呼丹山鳳爲瑞相
與來及羣

憶山示聖俞

吾思夷陵山山亂不可究東城一堠餘高
下漸岡阜羣峯迤邐接四顧無前後憶嘗
祇吏役鉅細悉經觀是時秋卉紅嶺谷堆

歐陽文忠公集

十一

梅

纈繡林枯松鱗皴山老石脊瘦斷徑履頽
崖孤泉聽清溜深行得平川古俗見耕耨
澗荒驚麇奔日出飛雉雊盤石屢欹眠綠
巖堪解綬幽尋歎獨往清興思誰侑其西
乃三峽嶮恠愈竒富江如自天傾一作瀉岸
立兩崖闕黔巫望西屬越嶺通南奏時時
縣樓對雲霧昏白晝荒煙下牢戍百仞寒
溪漱蝦蟆噴水簾甘液勝飲酎亦嘗到黃
牛泊舟聽猿狖巉巖起絕壁蒼翠非刻鏤
陰崑下攢叢岫穴忽空透遙岑聳孤出可

愛欣欲就惟思得君詩古健寫奇秀今來
會京師車馬逐塵簪頰冠各白髮舉酒無
舊袖繁華不可慕幽賞亦難違徒為憶山
吟耳熱助嘲詬

送唐生

一本作送唐秀才歸永州

京師英豪域車馬日紛紛唐生萬里客一
影隨一身出無車與馬但踏車馬塵日食
不自飽讀書依主人夜夜客枕夢一作北
風吹孤雲翩然動歸思旦夕來叩一作門
終年少人識逆旅一作意惟我親來學媿道
三百車耳歐陽文忠公集一

贈歸

一作贈歸

慚

一作嗟

一作

橐貧勉之期不止多

一作

獲由力耘指家大嶺北重湖浩無垠飛鴈

不可到書來安得一作能頻

送任處士歸太原

時天兵方討趙元昊

一虜動邊陲用兵三十萬天威豈不嚴賊
首猶未獻自古王者師有征而不一作無戰
勝敗繫人謀得失由廟筭是以天子明咨
詢務周徧直欲採奇謀不為人品限公車
百千輩下不遺僕賤況於儒學者延納宜
無間如何任生來三月不得見方茲急士

時論擇豈宜慢任生居太原白首勤著撰

閉戶不求聞忽來誰所薦人賢固當用舉

繆不加譴一作賢固當用賞罰兩無文是

非奚以辨遂令拂衣歸安使來者勸一本

餘苟盡然所責嗟吾筆與舌非職不敢諫胡由辨兩句

聖俞會飲

時聖俞赴湖州一本作送梅堯臣赴湖州

傾壺豈徒彊君飲解帶且欲留君談洛陽

舊友一時散十年會合無二三京師旱久

塵土熱忽值晚雨涼纖纖一作霏滑公井泉

釀最美赤泥印酒新開緘更吟君句勝啖

歐陽文忠公集一

二

棄新

角杏花妍媚春酣酣君詩有春風酣吾交

豪俊天下選誰一作難得衆美如君兼一本

鏘文律金玉寫森羅詩工鑱刻露天骨將

論縱橫輕玉鈐遺編最愛孫武說徃徃曹

杜遭夷芟關西幕府一作下不能辟隴山一作

西敗一作大將死可慚嗟余身賤不敢薦四

十白髮猶青衫吳興太守詩亦好徃一作助

奏玉瑄和英咸盃行到手莫辭醉明日一作

發舉棹天東南

送胡學士知湖州

一本云送胡宿武平學士

武平天下才四十滯鉉槩忽乘使君舟歸
榜一作不可纜都門春漸動柳色綠將暗
掛帆千里風水闊江濼濼吳興水精宮樓
閣在寒鑑橘柚秋苞繁烏程春瓮釀清談
越客醉屢舞吳娘豔寄詩毋憚頻一作以
慰離居念

哭

一作石曼卿

嗟我識君晚君時猶壯夫信哉天下奇落
落不可拘軒昂懼驚俗自一作似隱酒之徒一
飲不計斗傾河竭崑墟作詩幾百篇錦組

三四

歐陽文忠公集一

一一二

陳平

聯瓊瑤時時出險語意外研精麤窮竒變
雲煙搜怪蟠蛟魚詩成多自寫筆法顏與
虞旋弃不復惜所存今幾餘徃徃落人間
藏之比明珠又好一作愛題屋壁虹蜺隨卷
舒遺蹤處處在餘墨潤不枯胸山頃歲出
我亦斥江湖乖離一作睽四五載人事忽焉

一作有殊歸來見京師心老貌已癯但驚何

其衰豈意今也無才高不少下闊若與世
踈驂騮當少時其志萬里塗一旦老伏櫪
猶思玉山芻天兵宿西北狂兒尚稽誅而

令壯士死痛惜無賢愚歸魂渦上田露草
荒春蕪

送曇穎歸廬山

吾聞廬山久欲往世俗拘昔歲貶夷陵扁
舟下江湖八月到湓口停帆望香爐香爐
雲霧間杳靄疑有無忽值秋日明彩翠浮
空虛信哉竒且秀不與瀟霍俱偶病不時
往中流但踟躕今思尚髣髴恨不傳畫圖
曇穎十年舊風塵客京都一旦不辭訣飄
然卷衣長一作裾山林往不返古亦有吾儒

歐陽文忠公集一

十四

送孔秀才遊河北

西北苦兵戰江南仍旱枯新秦又攻寇京
陝募兵夫聖君念蒼生賢相思良謨嗟我
無一說朝紳拖舒舒未能膏鼎鑊又不老
菰蒲羨子識所止雙林歸結廬

吾始未識子但聞楊公賢及子來叩門手
持贈子

篇賢愚視所與不待交子作

得交言子文諧律呂子行潔琅玕行矣慎

所遊惡草能敗蘭

送黎生下第還蜀

黍離不復雅孔子修春秋扶王貶吳楚大法加諸侯妄儒泥於魯甚者去黜周大旨既已矣安能討一作源流遂令學者迷異說相交鉤黎生西南秀挾策來東遊一作州有司不見採春霜滑歸輶自去喜三傳力一作方欲探微幽凡學患不彊苟至將焉度聖言簡且直慎勿迂其求經通道自明下筆如戈矛一敗不足衄後功掩前羞

居士集卷第一

熙寧五年秋七月男發等編定

紹熙二年三月郡人孫謙益校正

猛虎詩引身入扱中朝佐攷字書扱音插取也獲也舉也引也收也義與詩不類按韓文公城南聯句云鞞妖藤索緝時景通云布活套於狐徑而掎其足謂之鞞鞞扱聲相近公用扱字義或取此

蝦蟆碓詩諸本皆作碓朝佐攷字書無此
字按東坡集決囚經歷詩忽憶尋蟆培其
字從土又南行集二蘇皆有蝦蟆培詩藥
城作培東坡作背今秘書正字項安世嘗
自蜀來云土人寫作背字音佩

石樓川上山一作

三遊洞一作泝一作嘒嘒夷陵石本後稱石本同膠膠

下牢溪靜石本作淨

紅梨花猶勝石本作共笑

金雞厚石本作享

送呂夏卿文字學作

憶山綠巖石本作綠蘿奏石本作走陰石本作陰崖

岫穴蛟作穴

送任處士採奇探奇作

送曇穎僧作送穎

歐陽文忠公集一

十七

富

送黎生已矣夫作

續添

魚留菱浦菱一作凌

蝦蟆碇茶錄錄一作錄

居士集卷第二 歐陽文忠公集二

古詩二十首

送楊闢秀才

吾竒曾生者始得之太學初謂獨軒然百
鳥而一鷲既又得楊生羣獸出麟角乃知
天下才所識慚未博楊生初誰師仁義而
禮樂天姿撲且茂美不待追琢始來讀其
文如渴飲醴一作重酪既坐即之談稍稍吐
鋒鏑非唯富春秋固已厚天爵有司選羣
材繩墨困量度胡為謹毫分而使遺磊落

三百八十一

歐陽文忠公集二

一

五十五

至寶異常珍夜光驚把握駭者弃諸塗竊
拾充吾橐其於獲二生厥價玉一穀嗟吾
雖得之氣力獨何弱帝閣啓巖巖一作巖巖欲
獻前復却遽令扁舟下飄若吹霜籜世好
競辛鹹古味殊淡泊一作薄否泰理有時惟
窮見其確

送孔生

一本生作監簿

再遊河北

志士惜白日高車無停輪孔生東魯儒年
少勇且仁大軸獻理匭長裾弊街塵門無
黃金聘家有白髮親寒風八九月北渡大

河津玉塞積精甲金戈耀秋雲孔生力數
斗其智兼千人短褐不自暖高談吐陽春
北州多賢侯待一作得士誰最勤一見贈雙
璧再見延上賓丈夫患不遇豈患長賤貧
送慧勤歸餘杭

越俗僭宮室傾貲事雕牆佛屋尤其侈耽
耽擬侯王文彩瑩丹漆四壁金焜煌上懸
百寶蓋宴坐以方牀胡爲弃不居棲身客
京坊辛勤營一室有一作乃類鸞巢梁南方
精飲食菌一作筍鄙羔羊飯以玉粒粳調

三百六

歐陽文忠公集二

二

陳賡

之甘露漿一饌費千金百品羅成行晨興
未飯僧日吳不敢嘗乃茲隨北客枯粟充
飢腸東南地秀絕山水澄清一作鮮光餘杭
幾萬家日夕焚清香煙霏四面起雲霧雜
芬芳豈如車馬塵鬢髮染成霜三者孰苦
樂子奚一作兮勤四方乃去慕仁義奔走不
自違始知仁義力可以治膏育有志誠可
樂一作嘉及時宜自彊人情重懷土飛鳥思
故鄉夜枕聞北鴈歸心逐南檣歸兮能來
否送子以短章

讀張李二生文贈一本作謝張石先

生先生石介也

先生二十年東魯能使魯人皆好學其間

張續與李常剖琢珉石一作如剖珉石得

天璞大圭雖不假雕琢一作鑄但未磨礪出

圭角二生固是天下寶豈與先生私褚橐

先生示我何矜誇手携文編謂新作得之

數日未暇讀意欲百事先一作屏却夜歸

獨坐南窗下寒燭青熒如熠燿病眸昏澁

乍開絨燦若月一作日星明錯落辭嚴意正

三十三

歐陽文忠公集二

三

陳廣

質非俚一作高且簡古味雖淡醇不薄千年佛

老一作佛賊中國禍福依憑羣黨惡拔根掘

窟期必盡有勇無前力何榮乃知二子果

可用非獨詞一作特言堅由志確朝廷清明天

子聖陽德彙進羣陰剥大烹養賢有列一作

味鼎豈久師門共藜藿一本有先生在魯

其利博兩句又一時予一作我慚職諫未能薦

有酒且慰先生酌

絳守居園池一本上有

嘗聞紹述絳守居偶來覽登一作覽周四隅

異哉樊子怪可吁心欲獨出無古初窮荒
搜幽入有無無一作有一語詰曲百盤紆孰云

已出不剽襲句斷欲學盤庚書一本有方

訓詁幾欲古譯荒煙古木蔚遺墟我來嗟

祗一作止得其餘栢槐端莊偉丈夫蒼

顏鬱鬱老不枯靚容新麗一何姝清池翠

蓋擁紅蕖胡鬣虎搏豈足道記

錄細碎何區區處氏八卦畫河圖禹湯臯

虺一作陶暨唐虞豈不古奧萬世模嫉世姣

巧一作好習卑汗以竒矯薄駭羣愚用此猶

三十一歐陽文忠公集二 四 新

得追韓徒我思其人為躊躇作詩聊謔為

坐娛

晉祠一本作過并

古一作故城南出十里間鳴渠夾路一作石

何潺潺行人望祠下馬謁退即祠下窺水

源地靈草木得餘潤鬱鬱古一作松栢含蒼

煙并兒自古事一作重豪俠戰爭五代幾百

年天開地闢真主出猶須再駕方凱旋頑

民盡遷高壘削秋草自綠埋空垣一作自

垣并人昔遊晉水上清鏡照耀涵朱顏晉

水今入并州裏稻花漠漠澆平田廢興髣

髴無舊一作故老氣象寂寞餘山川惟存祖

宗聖功業干戈象舞被管絃我來覽登一作

覽登為歎息暫照白髮臨清泉鳥啼人去廟

門闔還有山月來娟娟

登絳州富公嵩巫亭示同行者

羣峯擁軒檻竹樹陰漠漠公胡苦思山規

構自心作惟子一作子亦愛山者初仕即京洛

嵩峯三十六終日對高閣陰晴無朝暮紫

氣常浮泊雄然九州中氣象壓寥廓亦嘗

三十一

歐陽文忠公集二

五

新

步其巔培塿視一作觀四岳其後竄荆蠻始

識峽山惡長江瀉天來巨石忽開拓始疑

茫昧初渾沌死鑿鑿神功夜催就萬仞成

一作或一削尤竒十二峯隱見入冥邈人蹤

斷攀緣異物宜所託顧瞻但徘徊想像逢

綽約嵩山近可愛泉石吾已諾終期友幽

人白首老雲壑荆巫惜遐荒詭怪杳難貌

至今清夜思寃夢輒飛愕偶來玩茲亭塵

眼刮昏膜况逢秋雨霽濃翠新染濯峯端

上明月且可留幽酌

水谷夜行寄子美聖俞

一本題上有補成字

寒

一作晨

雞號荒林山壁月倒掛披衣起視

夜攬轡念行

一作邀

一作邁

我來夏云初素節今

已屆高河瀉長空勢落九州外微風動涼

襟曉氣清餘睡

一作清餘

緬懷京師友文

一作

有酒邈

一作邀

高會其間蘇與梅二子可畏

愛篇章富縱橫聲價相磨

一作摩

蓋子美氣

尤雄萬竅號一噫有時肆顛狂醉墨洒霧

霈譬

一作勢

如千里馬

一作足

已發不可殺盈

前盡珠璣一一難東汰梅翁事清切石齒

三三六

歐陽文忠公集二

六

刈忌

漱寒瀨作詩三十年視我猶後

一作猶無

輩

文詞愈清新心意雖

一作難

老大譬如妖韶

女老自有餘態近詩尤古硬

一作淡

咀嚼苦

難嚼初如食橄欖真味久愈在蘇豪以氣

輒

一作爍

舉世徒

一作盡

驚駭梅窮獨我知

一作

我獨

古貨今難賣

一作今誰買

二子雙鳳凰百

鳥之嘉瑞雲煙一翱翔羽翮一摧鍛安得

相從遊終日嗚噦噦問胡

一作相問

苦思之對

酒把

一作酒對

新蟹

病中代書奉寄聖俞二十五兄

一本無奉

及下四字

憶君去年來自越，值我傳車催去闕。是時
新秋蟹正肥，恨不一醉與君別。今年得疾

一作別因酒作一春，不飲氣彌劣。飢腸未慣

飽甘脆，一作平生九蟲寸白。一作腹爭

為孽一飽猶能致，身患寵祿豈無神所罰。

乃知賦子分有涯，適分自然無夭閼。昔在

洛陽年少時，春思每先花亂發。萌芽不待

揚柳動，探春馬蹄常踏雪。到今年纔三十

九，怕見新花羞白髮。顏侵塞下風霜色，病

過鎮陽桃李月。兵閑事簡居可樂，心意自

衰非屑屑。日長天暖惟欲睡，一作睡美尤

馱春鳩。聒北潭去城無百步，淶水冰銷魚

撥刺。經時曾未著脚到，好景但聽遊人說。

官榮雖厚世味薄，始信衣纓乃羈紲。故人

有幾獨思君，安得見君憂。暫豁公厨酒，美

遠莫致念君貫。一作飲衣屢脫郭生書來

猶未到，想見新詩甚飢渴。少年事事今已

去，惟有愛詩心未歇。君閑可能為我作，莫

辭自書藤紙滑。少低筆力容一作留我和無

使難追韻高絕

鎮陽殘杏

一本有寄聖俞字

鎮陽二月春苦寒東風力弱冰雪頑北潭

跬步病不到

即常山宮後池也

何暇騎馬

尋郊原鷗

一作

丘新晴暖已動砌下流水

來潺潺

鵬台水在州西十五里以長渠引走城中

但聞簷間鳥

語變不覺桃杏開已闌人生一世浪自苦

盛衰桃杏開落間西亭昨日偶獨到

一作

猶有一樹當南軒殘芳爛漫看更好皓若

春雪圍枝繁無風已恐自零落長條可愛

三百廿年

鎮陽文忠公集二

八

董道

不可攀猶堪携酒醉其下誰肯伴我頽巾

冠

班班林間鳩寄內

班班林間鳩穀穀命其匹迨天之未雨

與汝勿相失春原洗新霽綠葉暗朝日鳴

聲相呼

和一諧

呼應答如吹

一作若

律深

棲柔桑暖下啄高田實人皆笑汝拙無巢

以家室易安由寡求吾羨拙之佚吾雖有

室家出處曾不一

一本有豈如鳴鳩樂

荆

蠻昔竄逐奔走若鞭扶山川瘴霧深江海

波濤風跬步子所同淪弃甘共沒投身去
人眼已廢誰復嫉山花與野草我醉子鳴
瑟但知貧賤安不覺歲月忽還朝今幾年
官祿霑兒姪身榮責愈重器小憂常溢今
年來鎮陽留滯見春物北潭新漲淶魚鳥
相聱取作魚乙切聲逸一作我意不在春所憂空自
咄一官誠易了報國何時畢高堂母老矣
衰髮不滿櫛昨日寄書言新陽發舊疾藥
食一作石子雖勤豈若我在滕又云子亦病
蓬首不加髡書來本慰我使我煩憂鬱思

三百廿五年

歐陽文忠集二

九

藍度

家春夢亂妄意占凶吉却思夷陵囚其樂
何可述前年辭諫署朝議不容乞孤忠一
許國家事豈復一作暇卹橫身當衆怒見者
旁可慄近日讀除書朝廷更輔弼君恩優
大臣進退禮有秩小人妄希旨論議爭操
筆又聞說明黨次第推甲乙而我豈敢逃
不若先自劾上賴天子聖必未一作未必加斧
鑕一身但得貶羣口息啾唧公朝賢彥衆
避路一作一本當揣質苟能因謫去引分思藏
密還爾禽鳥性樊籠免驚怵子意其謂何

吾謀今已必

一本有試思憂與樂
便可齊升黜兩句

子能一作

如甘藜藿我易解簪紱嵩峯三十六蒼翠
爭聳出安得携子去耕桑老蓬華

暮春有感

幽憂無以銷春日靜愈長薰風入花骨花
枝午低昂往來採花蜂清蜜未滿房春事
已爛漫落英漸飄揚蛟蝶無所爲飛飛助
其忙啼鳥亦屢變新音巧調篁遊絲最無
事百尺拖晴光天工施造化萬物感春陽
我獨不知春夕病卧空堂時節去莫挽浩

歐陽文忠公集二

十

奇

歌自成傷

洛陽牡丹圖

洛陽地脉花最宜牡丹尤爲天下奇我昔
所記數十種於今十年半忘之開圖若見
故人面其間數種昔未窺客言一作近歲

花特異徃徃變出呈新枝洛人驚誇立名
字買種不復論家貲比新較舊難一作優

劣爭先擅價各一時當時絕品可數者魏

紅窈窕姚黃妃壽安細葉開尚少一作朱

砂玉版人一作猶未知傳聞千葉昔未有只

從左紫名初馳四十年間花百變最後最
好潛溪緋今花雖新我未識未信與舊誰
妍媸當時一作年所見已云絕豈有更好一作
妍此可疑古稱天下無正色但恐世好隨
時移鞞紅鶴翎豈不美斂色如避新來姬
何況遠說蘇與賀有類異世誇媿施造化
無情宜一槩偏此著意何其私又疑人心
愈巧僞天一作各欲鬪巧窮精微不然元化
朴散久豈特近歲尤澆漓爭新一作先作鬪麗
若不巳更後百載知何爲但應新花日愈

三六

歐陽文忠集二

十一

奇

好惟有我老年年衰

鎮陽讀書

春深夜苦短燈冷焰不長塵蠹文字細病
眸澁無光坐久百骸倦中遭羣慮戕尋前
顧後尖得一念一作而十忘乃知學在少老
大不可彊廢書誰與語歎息自悲傷因憶
石夫子徂徠有茅堂前年來京師講學居
上庠青衫綴朝士面有一作乃數畝桑不耐
羣兒嗤束書歸故鄉却尋茅堂在高卧泰
山傍聖經日陳前弟子羅兩廂大論叱佛

老高聲

言一作

誦虞唐賓朋足棗栗兒女飽

糟糠雖去待官闕便欲解朝裳有似蠶作

繭縮身思自藏嗟我一何愚貪得不自量

平生事筆硯自可娛文章開口攬時事論

議爭煌煌退之嘗有去名聲暫羶香誤蒙

天子知侍從列班行官榮日已寵事業闇

不彰器小以

一作而

任大躋顛理之常聖君

雖不誅在汝

一作尔

豈自違不能雖欲止况

一作恍

若失其方却欲尋舊學舊學已榛荒

有類邯鄲步兩失皆茫茫便欲乞身去君

三

歐陽文忠公集二

十二

丹

恩厚須償又欲求一州俸錢買歸裝譬如

歸巢鳥將棲少徊翔自覺誠未晚收愚老

縑細

留題鎮陽潭園

官雖鎮陽居身是鎮陽客北園潭上花安

問誰所植春風無先後爛漫爭紅白一花

聊一醉盡醉猶須百而我病不飲對花空

歎息朝來不能歸暮看不忍摘謂言花縱

落滿地猶可席不來纔幾時人事已非昔

芳枝結青杏翠葉新奕奕落絮風卷盡春

歸不留迹空餘綠潭水尚帶餘春色疑作
思春竟何之意謂追可得東西遶潭行蜂
鳥已寂寂惘然無所依歸駕不停輒寓興
誠可樂留情豈非惑至今清夜夢猶遶北
潭北

讀一本有蟠桃詩寄子美

韓孟於文詞兩雄力相當一本有偶以惟

唐兩篇章綴談笑雷電擊幽荒衆鳥誰一作

不敢和鳴鳳呼其皇孟窮苦纍纍韓富浩

穰穰窮者啄其精富者爛文章發生一為

三三七

歐陽文忠公集二

十三

陳弁

宮擘斂一為商二律雖不同合奏乃鏘鏘

天之產奇怪希世不可常寂寥二百年至

寶埋無光郊死不為島聖俞發其藏患世

愈不出孤吟夜號一作清霜霜寒入毛骨

清響哀乃一作愈長玉山禾難熟終歲苦飢

腸我不能飽之更欲不自量引吭和其音

力盡猶勉彊其一本有嗟我於韓徒足未及

印四誠知非所敵但欲繼前芳近者蟠桃

詩有傳來北方發我衰病思藹如得春陽

忻然便欲和洗硯坐中堂墨筆不能下恍

怳怳一作恍若有亡老雞觜爪硬未易犯其場

不戰先輒一作自却雖奔然一作未甘降更一作

便欲呼子美子美隔濤江其人雖樵悴其

志獨軒昂一作昂氣力誠當對勝敗可交相

安得二子接揮鋒兩交鏖我亦願助勇鼓

旗譟其旁快哉天下樂一醕宜百觴乘離

難會合此志何由償

初伏日招王幾道小飲

北園數畝官墻下嗟我官居如傳舍濤池

北渡馬踏蹄一作冰西山病歸花已謝落英

三五

歐陽文忠公集二

十四

陳輝

不見空繞樹細草初長猶可藉空園一鎖

不復窺不覺芳蹊繁早夏隔墻時時聞好

鳥如得嘉佳一作客聽清話今朝試去繞園

尋綠李橫枝礙行馬蒲萄憶見初引蔓翠

葉陰一作成陰還滿架紅榴一作榴花最晚子已

繁猶有殘花藏葉罅一本有雖無桃李競

洒兩人生有酒復何求官事無了須偷暇

古云伏日當早歸况今著令許休假能來

解帶相就飲為子掃月開風榭

白髮喪女師作一本無四字

吾年未四十三斷哭子腸一割痛莫忍屢
痛誰能當割腸痛連心心碎骨亦傷出我
心骨血灑為清淚行淚多血已竭毛膚冷
無光自然鬚與鬢一作鬚與鬢未老先蒼蒼

永陽大雪

清流關前一尺雪鳥飛不度人行絕冰連
一作谿谷麋鹿死風勁野田桑柘折江淮
卑濕殊北地歲不苦寒常疫癘老農自言
身七十曾見此雪纔三四新陽漸動愛日
輝微和習習東風吹一尺雪幾尺泥泥深
麥苗春始肥老農爾豈知帝力聽我歌此
豐年詩

送章生東歸

窮山一作廬荒僻人罕顧子以一身千里來
問子之勤何所欲自慚報子無瓊瑰非徒
多難學久廢世事漸懶由心衰吳興先生
富道德先弟子皆賢材鄉閭禮讓已成
俗餘風漸被來江淮子年方少力可勉往
與夫子為顏回

居士集卷第二

熙寧五年秋七月男發等編定

紹熙二年三月郡人孫謙益校正

送楊闢秀才詩如渴飲醴酪諸本同惟衢
本作潼酪朝佐按列子乳潼有餘謝承後
漢書乳爲生潼潼乳汁也音種訛而爲潼
史記匈奴傳潼酪之美今正之

二〇五一

歐陽文忠公集二

十六

卷二

送慧勤歸餘杭詩筍笋鄙羔羊衢本建本
吉本作筍從竹吉州羅寺丞家京師舊本
蜀本作菌從廿朝佐按筍籜美竹也菌蕈
也呂氏春秋越駱之菌注竹筍也本亦從廿今
兩存之

送慧勤未飯供一作歸兮歸一作去

晉祠窺觀作豪俠游俠作高壘孤壘一作

登嵩巫亭朝暮石本作綽約京本作綽約莊子作

水谷夜行轢轢一作

病中寄聖俞冰消消一作

班班林間鳩官祿官一作祿

鎮陽讀書官榮官一作榮

讀蟠桃詩寥寞寥一作寞

初伏小飲殘花殘一作紅

續添

歐陽文忠公集三

十七

五

終守居園池駭羣駭一作羣

鎮陽讀書躋顛顛一作躋

讀蟠桃詩子美二字上一有蘇字

永陽大雪鳥飛飛一作鳥

此卷班班林間鳩寄內云次第推甲乙
廣韻第字注云次第說文云本作弟韋
東之次第也今為兄弟字又漢複姓玉

篇亦謂第字今為第幾明非古也然則古惟用弟字未嘗加竹史傳皆然故公集凡言次弟兄弟之類並用弟字近世既分而為二印本從之今難盡正書此以示後人

居士集卷第三 歐陽文忠公集三

古詩三十一首

啼鳥

窮山候至陽氣生百物如與時節爭官居

荒涼草樹密撩亂紅一作紅殷紫開繁英花

深葉暗耀朝日日一作暖衆鳥皆嚶鳴鳥

言我豈解爾意綿蠻但愛聲可聽南窓睡

多春正羨百舌未曉催天明黃鸝顏色已

可愛舌端姪姹如嬌嬰竹林靜啼一作啼盡青

竹筴深處不見惟聞聲陂田遠郭白水滿

歐陽文忠公集三

一

戴勝穀穀催春耕誰謂鳴鳩拙無用雄雌

各自知陰晴雨聲蕭蕭泥滑滑草深苔綠

無人行獨有花上提葫蘆勸我沽酒花前

傾其餘百種各嘲啗異鄉殊俗難知名我

遭讒口身落此每聞巧舌宜可憎春到山

城苦寂寞把盞常恨無娉婷花開鳥語輒

自醉醉與花鳥爲交一作友朋花能嫣然顧

我笑鳥勸我飲非無情身閑酒美惜光景

惟恐鳥散花飄零可笑靈均楚澤畔離騷

憔悴愁獨醒

遊瑯琊山

南山一尺雪，雪盡山蒼然。澗谷深自暖，梅
花應已繁。使君馭騎從車馬，留山前行歌。
招野叟共步青林間，長松得高蔭，盤石堪
醉眠。止樂聽山鳥，携琴寫幽泉。愛之欲忘
返，但苦世俗牽。歸時始覺遠，明月高峯巔。

讀徂徠集

徂徠魯東山，石子居山阿。魯人之所瞻，子
與山崖峩。今子其死矣，東山復誰過。精魄
已埋沒，文章豈能磨。壽命雖不長，所得固

已多。舊藁偶自錄，滄溟之一蠹。其餘誰附
與，散失存幾何。存之警後世，古鑑照妖魔。
子生誠多難，憂患靡不罹。羅音宦學三十年，
六經老研摩。問胡所專心，仁義丘與軻。揚
雄韓愈氏，此外豈知他。尤勇攻佛老，奮筆
如揮戈。不量敵衆寡，膽大身么麼。往年遭
母喪，泣血走岷峨。垢面跣雙足，鋤犁事田
坡。至今鄉里化孝悌，勤蠶禾。昨者來太學，
青衫踏朝靴。陳詩頌聖德，厥聲續猗那。羔
鴈聘黃晞，晞驚走隣家。施爲可恠駭，世俗

安委蛇誇口由此起中之若飛梭上賴天
子明不挂網者羅憶在太學年大雪如翻
波生徒日盈門飢坐列鴈鵝絃誦聒鄰里
唐虞賡詠歌常續最高第騫游各名科豈
止學者師謂宜國之皤夭壽反仁鄙誰尸
此偏頗不知誼誼者又忍加詆訶聖賢要
夕遠毀譽暫誼譁生為舉世疾死也一作者
魯人嗟作詩遺魯社祠子以為歌

大熱二首

四時成萬物寒暑迭鈞陶壯陽當用事大

歐陽文忠公集三

三

夏蒸炎歊造化本無情怨咨徒爾勞身微
天地闊四顧無由逃九門閭闔開萬仞崑
崙高積雪寒凜凜清風吹寥寥嗟我雖欲
往而身無羽毛

陽暉燦四野萬里織雲收羲和困路遠正
午當空留枝條不動影草木皆含愁深林
虎不嘯卧喘如吳牛蜩蟬一何微嗟爾徒
啾啾

幽谷泉

踏石弄泉流尋源入幽谷泉傍野人家四

面深篁竹溉稻滿春疇鳴渠遶茅屋生長
飲泉甘蔭泉栽美木潺湲無春冬日夜響
山曲自言今白首未慣逢朱轂顧我應可
恠每來聽不足

百一作子坑賽龍

嗟龍之智誰可拘出入變化何須史壇平
樹古潭底黑沉沉影響疑有無四山雲霧
忽晝合瞥起直上擎空虛龜魚帶去半空
落雷輻電走先後驅傾崖倒澗聊一戲頃
刻萬物皆涵濡青天却掃萬里靜但見綠

野如雲敷明朝老農拜潭側鼓聲坎坎鳴
山隅野巫醉飽廟門闔狼藉烏鳥爭殘餘

憎蚊

擾擾萬類殊可憎非一族甚哉蚊之微豈
足汙簡牘乾坤量廣大善惡皆含育荒茫
一作三五前民物交相黷禹鼎象神姦蛟
龍遠潛伏周公驅猛獸人始居川陸爾來
千百年天地得清肅大患已云除細微遺
不錄蠅蚋蚤虱蟣蜂蝎蛇蝮惟爾於其
間有形纔一粟雖微無柰衆惟小難防毒

嘗聞高郵間猛虎死凌辱哀哉露筋女萬
古讐不復水鄉自宜爾可恠窮邊俗晨殮
下帷幃盛暑泥駒犢我來守窮山地氣尤
卑溽官閑懶所便惟睡宜偏足難堪爾類
多枕席馱緣撲燠簷一作之苦煙埃燎壁疲
照燭荒城繁草樹旱氣飛炎熯羲和驅日
車當午不轉轂清風得夕涼如赦脫囚梏
掃庭露青天坐月蔭嘉木汝寧無他時一作
日忍此見一作見此迫促翹翹伺昏黑稍稍出
壁屋填空來若翳聚隙多可掬叢身疑陷

一作疑

圓聒耳如遭哭猛攘欲張拳暗中甚
飛鏃手足不自救其能營背腹盤飡勞扇
拂立寐僵僮僕端然窮百計還坐瞑雙目
於吾固不較在爾誠爲酷誰能推物理無
乃乖人欲騶虞鳳凰麟千載不一矚思之
不可見惡者無由逐

重讀徂徠集

我欲哭石子夜開徂徠編開編未及讀涕
泗已漣漣勉盡三四章收淚輒忻懽切切
一作昭昭善惡戒丁寧仁義言如聞子談

論疑子立我前乃知長在世誰謂已一作子

沉泉昔也人事乖相從常苦艱今而每思

子開卷子在顏我欲貴子文刻以金玉聯

金可爍而銷玉可碎非堅不若書一作傳以

紙六經皆紙傳但當書百本一作傳十傳

百以為千或落於四夷或藏在一作於深山

待彼謗焰一作艷熄放此光芒懸人生一世

中長短無百年無窮在其後萬世在其先

得長多幾何得短未足憐惟彼不可朽名

聲文行然讒誣不須辨亦止百年間百年

歐陽文忠公集三

六

後來者憎愛不相緣公議然後出自然見

姪妍孔孟困一生毀逐遭百端後世苟不

公至今無聖賢所以忠義士恃此死一作輕死

此不難當子病方革謗辭正騰喧衆人皆

欲殺聖主獨保全已理猶不信僅免斲其

棺此事古未有每思輒長嘆我欲犯衆怒

為子記此冤下紆冥冥忿仰叫昭昭天書

於蒼翠石立彼崔嵬巔詢求子世家恨子

兒女頑經歲不見報有辭未能銓一作忽

開子遺文使我心已寬子道自能久吾言

豈須鑄

汝瘦答仲儀 一作答王素汝瘦

君嗟汝瘦多誰謂汝土惡汝瘦雖云苦汝
民居自樂鄉閭同飲食男女相媒妁習俗
不為嫌譏嘲豈知怍汝山西南險平地猶
磽确一作确汝樹生擁一作腫根
株浸溪壑山川固已然風氣宜其濁接境
化糞鄧餘風被伊雒思予昔曾遊所見可
驚愕喔喔聞語笑累累滿城郭偃婦懸甕
盎嬌嬰包卵殼無由辨肩頸有類龜縮殼

東陽先生公集三

七

噫人稟最靈反不如鳧鶴駢枝雖形累小

小固一作可略癰瘍暫畜聚決潰終當涸

贅疣附支體幸或不為虐未若此巍然所

生非所託咽喉繫性命鍼石難一作削

農皇古神聖為世名百藥豈不有方書禎

然莫銷爍一作温湯汝靈泉亦不能湔淪

君官雖謫居政可瘳一作民瘼奈何不衰

憐而反恣訶一作謔文辭騁新工醜恠極

名貌汝士雖多竒汝女少纖弱翻思太守

宴誰與唱清角乖離南北殊魂夢山陂邈

握手未知期寄詩一作書聊一噓

滄浪亭一本上云寄題子美

子美寄我滄浪吟邀我共作賦一作滄浪篇

滄浪有景不可到使我東望心悠然荒灣

野水氣象古高林翠阜相回環新篁抽笋

添夏影一作景老枿亂發爭春妍水禽閑暇

事高格山鳥日夕相啾喧不知此地幾興

廢仰視喬木皆蒼煙堪嗟人迹到不遠雖

有來路曾無緣窮竒極惟誰似子搜索幽

隱探神仙初尋一逕入蒙密豁目異境無

歐陽文忠公集三

窮邊風高月白最宜夜一片瑩淨鋪瓊田

清光不辨水與月但見空碧涵漪漣一有姑蘇

臺邊人響絕夜靜清風明月本無價可惜

祗賣四萬錢又疑此境一作景天乞與壯士

憔悴天應憐鴟夷古亦有獨往江湖波濤

渺翻天崎嶇世路欲脫去反以身試蛟龍

淵豈如一作知扁舟任飄兀紅渠綠浪搖醉

眠丈夫身在豈長弃新詩美酒一作詩美聊

窮年雖然不許俗客到莫惜佳句人間傳

寶劔

寶劍匣中藏暗室夜常一作明欲知天將
雨錚爾劍有聲神龍本一物氣類感則鳴
常恐躍匣去有時暫開鎬疑止當煌煌七
星文照耀三尺冰此劍在人間百妖夜收
形姦兇與佞媚膽破骨亦驚試以向星月
飛光射攬槍藏之武庫中可息天下兵柰
何狂胡兒尚敢邀金繒

秋晚凝翠亭探韻作

黃葉落一作落空城青山遠官廨風雲淒
已高歲月驚何邁陂田寒未收野水淺生

歐陽文忠公集三

允

冰晴林紫榴圻霜日紅梨曬蕭疎喜竹勁
寂寞傷蘭敗叢菊如有情幽芳慰孤介嘉
客日可携寒醅美新醉音債登臨無馱頻冰
雪行即屆

菱溪大一本無石

新霜夜落秋水淺有石露出寒溪垠苔昏
土蝕禽鳥啄出沒溪水秋復春溪邊老翁
生長見疑我來視何殷勤愛之遠徙向幽
谷曳以三犢載兩輪行穿城中罷市者但
驚可恠誰復珍荒煙野草埋沒久洗以石

竇清冷泉朱欄綠竹相掩映選

邀

一作致佳

處當南軒南軒旁列千萬峯曾未有此奇
嶙峋乃知異物世所少萬金爭買傳幾人
山河百戰變陵谷何為落彼荒溪瀆山經
地誌不可究遂令異說爭紛紜皆云女媧
初鍛鍊融結一氣凝精純仰視蒼蒼補其
缺染此紺碧瑩且溫或疑古者燧人氏鑽
以出火為炮燔苟非神聖親手迹不爾孔
竅一作誰雕刻又云漢使把漢節西北萬
里窮崑崙行經于闐得寶玉流入中國隨

河源沙磨水激自穿穴所以鑄鑿無瑕痕
嗟予有口莫能辨歎息但以兩手捫盧仝
韓愈不在世彈壓百恠無雄文爭奇鬪異
各取勝遂至荒誕無根原天高地厚靡不
有一作醜好萬狀奚足論惟當掃雪席其
側日與嘉客陳清罇

送姜秀才遊蘇州

憶從太學諸生列我尚弱齡君秀發同時
並薦幾存亡一夢十年如倏忽壯心君未
減青春多難我今先白髮山花撩亂鳥綿

蠻更盡一罇明日別

送孫秀才

高門煌煌赫如赭勢利聲名爭借假

一作假借

嗟哉子獨不顧之訪我千山一羸馬明珠

渡水覆舟失贈我璣貝猶滿把

生携文數十篇見訪

渡而失

遲遲顧我不欲去問我無窮慚報寡

時之所弃子獨嚮無乃與世異取捨

新霜二首

天雲慘慘秋陰薄卧聽北風鳴屋角平明

鷺鳥四散飛一夜新霜群木落南山鬱鬱

舊可愛千仞巉巖如剡削林枯山瘦失顏

色我意豈能無寂寞衰顏得酒猶彊發可

醉豈須嫌酒濁泉傍菊花方爛漫短日寒

輝相照灼無情木石尚須老有酒人生何

不樂

荒城草樹多陰暗日夕霜雲意濃淡長淮

漸落見洲渚野潦初清

一作晴

收澗澹蘭枯

蕙死誰復弔殘菊籬根爭豔豔青松守節

見臨危正色凜凜不可犯芭蕉芟荷不足

數狼藉徒能污池檻時行收歛歲將窮冰

雲巖凝從此漸咿兒女感時節愛惜朱
顏屢窺鑑惟有壯士獨悲歌拂拭塵埃磨
古劍

豐樂亭小飲

造化無情不擇物春色亦到深山中山桃
溪杏少意思誰一作顧有自趁時節開春風看
花遊女不知醜古粧野態爭花紅人生行
樂在當一作勉彊有酒莫負瑠琉鍾主人勿
笑花與女嗟爾自是花前翁

四月九日幽谷見緋桃盛開

經年種花滿幽谷花開不暇把一卮一作

人生此事尚難必况欲功名書鼎彝深紅

淺紫看雖好美一作顏色不奈東風吹緋桃

一樹獨後發意若待我留芳菲清香嫩蘂

含不吐日日恠我来何遲無情草木不解

語向我有意偏依依群芳落盡始爛漫榮

枯不與衆豔隨念花意厚何以報唯有醉

倒花東西盛開比落猶數日清一作樽尚

可三四携

秋懷二首寄聖俞

一本擬孟郊體秋

孤管叫秋月清砧韻霜風天涯遠夢歸一作

歸遠

驚斷山千重群物動已息百憂感從

中日月矢雙流四時環無窮隆陰夷老物

摧折壯士胷壯士亦何為素絲悲青銅

羣木落空原南山高巖崿巖巖想詩老瘦

骨寒愈聳詩老類秋蟲吟秋聲百種披霜

一作

撥孤英泣古弔荒冢琅玕叩金石清

響聽生悚何由幸見之使我滌煩冗飛鳥

下東南音書無日捧

希真堂東

一本無東字

手種菊花十月始開

當春種花唯恐遲我獨種菊君勿謂春枝

滿園爛張錦風雨須臾落顛倒看多易馱

情不專鬪紫誇紅隨俗好豁然高秋天地

肅百一作萬物衰零誰暇弔君看金蘂正芬

敷曉日浮霜相照耀

一本有後時寧與竹栢榮媚世不爭桃李

笑兩句

煌煌正色秀可餐藹藹清香寒愈峭

高人避喧守幽獨淑女靜

一作靚

容修一作羞

窈窕方當搖落看轉佳慰我寂寥何以報

時携一罇相就飲如得貧交論久要我從

多難壯心衰迹與世人殊靜躁種花勿一作

不種兒女花老大安能逐年少

拒霜花

芳菲能幾時顏色如自愛鮮鮮弄霜曉
裊含風態蕙蘭頊秋香桃李媚一作嬌春醉
時節雖不同盛衰終一致莫笑黃菊花籬
根守憔悴

懷嵩樓晚飲示徐無黨無逸

一本奉和徐作

生見示懷嵩樓晚飲一本無見示字

滁山不通車滁水不載舟舟車路所窮嗟
誰肯來遊念非吾在此二子來何求不見

忽三年見之忘百憂問其別後學初若蘭
緒抽縱橫漸組織文章爛然浮引伸無窮
極卒歎以軻丘少進日如此老退誠可羞
弊邑亦何有青山遶城樓泠泠谷中泉吐
溜彼一作被山幽石醜駭溪恠天竒瞰龍湫
子初如可樂久乃歎以愀云此譬圖畫暫
看已宜收荒涼一作村草樹間暮館城南陬
破屋仰見星窻風冷如鏤歸心中夜起輾
轉卧不周我為辦酒肴羅列蛤與蚌酒酣
微探之仰笑不頷頭曰予非此儂又不負

譴尤自非世不容安事此為因幸以主人
故崎嶇幾推輶一來勤已多而況欲久留
我語頓遭屈顏慚汗交流川塗冰已壯霰
一作霜雪行將稠羨子兄弟秀雙鴻翔高秋
噫噫飛且鳴歲暮憶南州飲子今日歡重
我明日愁來貶辱已厚贈言媿非酬

瑯琊山六題

一本作山中六題
注云瑯琊山中

歸雲洞

洞門常自一作似起煙霞洞穴傍穿透谿谷
朝看石上片雲陰夜半山前春雨足

瑯琊谿

空山雪消谿水漲遊客渡谿橫古槎不知
谿源來遠近但見流出山中花

石屏路

石屏自倚浮雲外石路久無人跡行我來
携酒醉其下卧看千峰秋月明

班春亭

信馬尋春踏雪泥醉中山水弄清輝野僧
不用相迎送乘興閑來興盡歸

庶子泉

庶子遺蹤留此地寒崑徒倚弄飛泉古人
不見心可見一片清光長皎然

惠覺方丈

青松行盡到山

一作松

門亂峰深處開方丈

已能宴坐老山中何用聲名傳海上

居士集卷第三

熙寧五年秋七月男發等編定

紹熙二年三月郡人孫謙益校正

汝癭詩平地猶确磬衢本作确犖吉本
作磽磬建本作确磬蜀本羅氏本作磽
确朝佐按字書磽通作堯确通作堯磬
磬磽确不平也犖駁牛也磬石相扣聲
确犖磽磬确磬字各不同今從蜀本羅
氏本作磽确而以諸本注其下

語笑

一作笑語

啼鳥花開一作間

讀徂徠集唐虞賡詠歌作歌一詩一反仁一作及仁

幽谷泉日夜石本作夜

憎蚊出壁屋作出去一

汝瘦有類似一作

滄浪亭到不遠作到去一紅渠一作渠

寶劍照耀作曜一作

菱溪大石初鍛所一作歎息惜一作

送孫秀才爭借假假一作相與世時一作

新霜風鳴吹一作歲將歲一作物

歐陽文忠公集三

十七

幽谷見緋桃人生此事尚難必一作世間小

秋懷吟秋鳴秋一作琅玕琅一作下東南作下一

懷嵩樓晚飲日如此作日一欲久留作久之南

州作州一

Vertical bleed-through text from the reverse side of the page, including characters like 幽谷, 紅渠, 寶劍, etc.

居士集卷第四 歐陽文忠公集四

古詩二十四首

贈無為軍李道士二首 名景仙

無為道士三尺琴中有萬古無窮音音如
石上瀉流水瀉之不竭由源深彈雖在指
聲在意聽不以耳而以心心意既得形骸
忘不覺天地白日愁雲陰

李師琴紋一作形如卧蛇一彈使我三咨嗟

五音商羽主肅殺颯颯坐上風吹沙忽然
黃鍾回暖律當冬草木皆萌芽郡齋日午

歐陽文忠公集四

公事退荒涼樹石相交加李師一彈鳳凰
聲空山百鳥停嘔啞我怪李師年七十面

目明秀光如霞問胡以然一作試問胡以

笑語我慎勿辛苦求丹砂惟當養其根自

然燁其華上一本無二句又云理身如理琴正聲

不可干以邪我聽其言未云足野鶴何事

還思家抱琴揖我出門去獵獵歸袖風中

斜

拜赦一作勅

拜赦一作救古州南山火明烈烈州人共喧

喧兩邳扶白髮丁寧天語深曠蕩皇恩闊
乃知天地施幽遠無間別欣欣草木意喜
氣消殘雪

彈琴效賈島體

古人不可見古人琴可彈彈為一作古曲

聲如與一作古人言琴聲雖可聽琴意誰

能論橫琴置牀頭當午曝背眠夢見一丈

夫巖巖古衣冠登牀取之坐一作調作南

風絃一奏風雨一作來再鼓變雲烟鳥獸

盡嚶鳴草木亦滋蕃乃知太古時未遠可

歐陽文忠公集四

二

追還方彼夢中樂心知口難一作傳既覺

失其人起坐涕沈瀾

酬學詩僧惟晤

詩三百五篇作者非一人羈臣與弃一作

妾桑濮乃淫奔其言苟一作可取疵雜不

全純子雖一作為佛徒未易廢其言其言

在合理但懼學不臻子佛一作與吾儒異

轍難同輪一作子何獨吾慕自忘夷其身

苟能知所歸固有路自新誘進或可至拒

之誠不仁維詩於文章太山一浮塵又如

古衣裳組織一作爛成文拾其裁剪餘未

識衮服尊嗟子學雖一作勞徒自苦骸筋

一作自遠勤勤袖卷軸一作一歲三及門一作惟

何求一言榮歸以耀一作其倫與夫榮其

膚不若啓一作其源韓子亦嘗謂收斂

加以一作冠巾

別後奉寄聖俞二十五兄一本作叙

兼酬進道堂夜

長河秋雨多夜插寒潮一作入歲暮孤舟

遲客心飛鳥急君老忘卑窮文字或綴緝

歐陽文忠公集四

三

余生苦難厄一作世險蹈已習離合二十

年乖睽多聚集常時飲酒別今別輒飲泣

君曰吾老矣不覺兩袖濕我年雖少君白

髮已揖揖即入憶初京北門送我馬暫立

自茲遭檻穽一作一落誰引汲顛危偶脫死藏

竄甘自繫一作但令身尚在果得手重執

聞未喜迎前貌改驚乍揖別離纔幾時舊

學廢百十殘章一作與斷藁草草各收拾

空窻一作語青燈夜雨聽霰霰一作明朝

解舟南歸翼縱莫戢還期明月飲幸此中

秋及酒酣弄篇章四坐困供給歡言正喧

譁別意忽於邑日暮北亭上濁醪聊一作猶

共挹輕一作歸橈動翩翩晚水明熠熠行心

軸多舥舥誰一作雖云已老矣意氣何業炭

惜哉方壯時千里足常帶知之莫予深力

不足呼吸歎吁偶成篇聊用綴君什

紫石屏歌一本作月石硯屏歌寄蘇子美

月從海底來行上天東南正當天中時下

照千丈潭潭心無風月不動倒影射入紫

石巖月光水潔石瑩淨一作微感此陰魄來

中潛自從月入此石中天有兩曜分為三

清光萬古不磨滅天地至寶難藏緘天公

呼雷公夜持巨斧隳巖墮此一片落千

仞皎然寒鏡在玉匳蝦蟇白兔走天上空

留桂影猶杉杉一作卷景山得之一作號惜

不得贈我意與一作比千金兼自云每到月

滿時石在暗室光出簷大哉天地間萬怪

難悉談嗟予不度量每事思窮探欲將兩

耳目所及而與造化爭毫纖煌煌三辰行

耳

日月尤尊嚴若令下與物為比去聲擾擾萬
類將誰瞻不然此石竟何物有口欲說嗟
如鉗吾奇一作知蘇子胷羅列萬象中包含
不惟胷寬膽亦大屢出言語驚愚凡自吾
得此石未見蘇子心懷慚不經老匠先指
決有手誰敢施鑄鑿呼工畫石持寄似一作
此幸子留意其無謙

聚星堂前紫薇花

亭亭紫薇花向我如有意高煙晚溟濛清
露晨點綴豈無陽春月所得時節異靜女

歐陽文忠公集四

五

不爭寵幽姿如自喜戲音將期誰顧眄獨伴
我憔悴而我不彊飲繁英行亦墜相看兩
寂寞孤詠聊自慰

獲麟贈姚闕先輩

世已無孔子獲麟意誰知我嘗為之說聞
者未免非而子獨曰然有如墳應麓惟麟
不為瑞其意乃可推春秋二百年文一作辭
約義甚夷一從聖人沒學者自為師崢嶸
衆家說平地生嶮巖相訟益迂怪各鬪出
新奇爾來千餘歲一作千載餘舉世不知

迷焯哉聖人經照耀萬世疑自從蒙衆說
日月遭蔽虧常患無氣力掃除浮雲披還
其自然光萬物皆見之子昔已好古此經
手常持超然出衆見不為俗牽卑近又脫
賦一作賤格飛黃擺銜羈聖門開大道夷路
肆騰嬉便可勦衆說旁通一作異端塞多岐正
途趨一作常簡易慎勿事嶮崎著述須待老
積勤宜少時苟思垂後世大禹尚胼胝顧
我今老矣兩瞳一作目蝕昏眵大書難久
視心在力已衰因思少自弃今縱悔可追

歐陽文忠公集四

六

戒我以勉子臨文但吁嘻

喜雨

大雨雖霽霈隔轍分晴陰小雨散浸淫為
潤廣且深浸淫苟不止利澤何窮已無言
雨大小一作言兩一作異小雨農尤喜宿麥已登
實新禾未抽秧一作穗及時一日雨終歲飽
豐穰夜響流霖霖晨暉霽蒼涼川原淨如
洗草木自生光童稚喜瓜芋耕夫望陂塘
誰云田家苦此樂殊未央

飛蓋橋翫月

一本題上
有六月十四夜

天形積輕清水德本虛靜雲收風波止始
見天水性澄光與粹容上下相涵映乃於
其兩間皎皎掛寒鏡餘暉所照耀萬物皆
鮮瑩矧夫人之靈豈不醒視聽而我於此
時脩一作倏然發孤詠紛昏忻洗滌俯仰恣
涵泳一本無人心曠而閑月色高愈一作逾
迴惟恐清夜闌時時瞻斗柄

竹間亭

啾啾竹間鳥日夕相嚶鳴悠悠水中魚出
入藻與萍水竹魚鳥家伊誰作斯亭翁來
無車馬非與彈弋并潛者入深淵飛者散
縱橫奈何翁屢來浪使飛走驚忘爾榮與
利脫爾冠與纓還來尋魚鳥傍此水竹行
鳥語弄蒼翠魚遊翫清澄而翁乃何為獨
醉還自醒三者各自適要歸亦同情翁乎
知此樂無厭日來登

荅呂公著見贈

一本作奉荅通判太博為予不飲見贈之作

晉人歌蟋蟀孔子錄於詩因知聖賢心豈
不惜良時行樂不及早朱顏忽焉衰馳光
如騷裊一去不可追今也不彊飲後雖悔

奚為三年謫永陽陷穽不知危種樹滿幽

谷跡泉瀉清池新陽染山木撩亂發枯枝

無人歌青春自醜白玉卮今者荷寬宥一作

思乞一作州從爾宜西湖雖已聞既見又

過之菡萏間紅綠鴛鴦浮渺瀰四時花與

竹罇俎一作酒一作動可隨況與賢者同薰然襲

一作偉一作蘭芝醪醑寒且醪清唱婉而遲一作奇

四坐各已醉臨觴獨何疑昔人逢麴車流

涎尚垂願況此盃中趣久得樂無涯多憂

衰病早心在良可噫一作噫一作譬若卧樾馬聞

鞞一作鼓一作尚鳴悲春膏已動脉一作已動一作忽百卉

漸歲蕤丹砂得新方舊疾庶可治尚可執

鞭弭周旋以忘疲

送滎陽魏主簿廣一本

卓犖東一作魏一作都子姓名聞十年窮冬雪塞

空千里至我門子足未及闕我衣驕倒顛

僕童一作童一作僕相視疑寮吏或不然俛首鵠鶴

啄進趨鳧鴈聯青衫靴一作兩一作靴脚言色倩

一作情一作以温於公門豈少乃獨得公權受知

固不易知士誠尤難我思屈童吏欲辯難

以言觴豆及嘉節高堂列羣賢文章看落
筆論議馳後先破石出至寶決高瀉長川
光暉相磨晦浩渺肆波瀾寮吏媿我歎僕
童一作僕恪生顏我顧寮吏喜士豈以此觀
此聊為戲耳以驚僕童一作僕昏士欲見其
守視其居賤貧欲知其所趨試以義利干
我始識其面已窺其肺肝禮有來必往木
瓜報琅玕十年思見之一日捨我還何用
慰離居贈子以短篇

青松贈林子

國華一本作
贈林國華秘校

歐陽文忠公集四

九

青松生而直繩墨易為功一作攻良玉有天

質少加一作假磨與礪子誠懷美材一作君實有美

材但未遭良工養育既堅好英華充厥中

於誰以成之孟韓荀暨雄

人日聚星堂宴集探韻得豐字

汙池以其下衆流之所鍾尺水無長瀾蛟
龍豈其容顧予誠鄙薄羣俊枉高蹤得一
不為少雖多肯辭豐譬如登圓壇羅列璧
與琮又若饗鈞天左右間笙鏞文章爛照
耀應和相撞舂而予處其間眩晃不知從

退之亦嘗云青蒿倚長松新陽發羣枯生
意漸丰茸暮雪浩一作皓方積醪醅寒更濃
母言輕此樂此樂難屢逢

橄欖

五行居四時維火盛南訛炎焦陵木氣橄
攬得之多酸苦不相入初爭久方和霜苞
入中州萬里來江波幸登君子席得與眾
果羅中州眾果佳珠圓玉光瑳媿茲微陋
質以遠不見訶饒飴兒女甜遺味久則那
良藥不甘口厥功見沉痾忠言初馱之事
至悔若何世已無採詩詩成為君哦

歐陽文忠公集四

十

鸚鵡螺

大哉滄海何茫茫天地百寶皆中藏牙鬚

一作鬣

甲角爭光銍腥風怪雨灑幽荒珊瑚
玲瓏巧綴裝珠宮貝闕爛煌煌泥居殼屋

細莫詳紅螺行沙夜生光一本作珠宮貝

殼室細莫詳珊瑚玲瓏巧綴粒腥負材自

累遭剗腸匹夫懷璧古所傷濃沙剝蝕隱

文章一本注胡人謂胡磨以玉粉緣一作

金黃清罇旨酒列華堂隴鳥回頭思故鄉

美人清歌蛾眉揚一醕凜冽回一作春陽
物雖微遠用則彰一螺千金價誰量豈若
泥下追含漿

食糟民

田家種糯官釀酒權利秋毫升與斗酒沽
得錢糟弃物一作弃大屋經年堆欲朽酒醅
漉瀾如沸湯東風來吹酒瓮香纍纍罌與
甌惟恐不得嘗官沽味醲村酒薄日飲官
酒誠可樂不見田中種糯人釜無糜粥度
冬春還來就官買糟食官吏散糟以為德

歐陽文忠公集四

十一

嗟彼官吏者其職稱長民衣食不蠶耕所
學義與仁仁當養人義適一作識宜言可聞
達力可施上不能寬國之利下不能飽爾
一作民之飢我飲酒爾食糟爾雖不我責我
責何由逃

送焦千之秀才

焦生獨立士勢利不可恐誰言一身窮自
待九鼎重有能揭之行可謂仁者勇呂侯
一作相家子德義勝華寵焦生得其隨道
合若膠鞞始生及吾門徐子喜驚踊曰此

難致寶一失何由踵自吾得二生一作紫

粲獲雙珙奈何奪其一使我意紛葩吾嘗

愛生材抽擢方鬱翁一作委勇反猶須老霜

雪然後見森聳况從主人賢高行可傾竦

讀書趨簡要害說去雜冗新文時我寄庶

可蠲煩壅

伏日贈徐焦二生

一本作徐焦二子
伏日遊西湖余以

病不能往
因以贈之

徐生純明白玉璞焦子皎潔寒泉冰清光

瑩爾互輝映當暑自可消炎蒸平湖綠波

歐陽文忠公集四

十一

漲渺渺高榭一作樹古木陰層層嗟哉我豈

不樂此心雖欲往身未能俸優食飽力不

用官閑日永一作心樂睡莫興不思高飛慕鴻

鵠反此愁卧償蚊蠅三年永陽子所見山

林自放樂可勝清泉白石對斟酌巖花野

鳥一作草為交朋崎嶇礧谷窮上下追逐猿

狘爭超騰一作陸酒美賓佳足自負飲酣氣

橫猶驕矜奈何乖離纔幾日蒼顏非舊白

髮增彊歡徒勞歌且舞勉飲寧及合與升

行指眼眇一作曉旋看物坐見樓閣先愁登

頭輕目明脚力健羨子志氣將飄凌只今
心意已如此終竟事業知一作何稱少壯
及時宜努力老大無堪還可憎

寄生槐

一本題上有答
張惟官庭檜

檜惟凌雲材槐實凡木賤奈何柔脆質累
此孤高幹龍鱗老蒼蒼鼠耳光粲粲因緣
初莫原感吒徒自歎偷生由附託得勢爭
葱蒨方其榮盛時曾莫見真贗欲知窮悴
節宜試以霜霰萌芽起微蘖辨別乖先見
剪除初非難長養遂成患雖然根性殊常
恐枝葉亂惟應植者深幸不習而變含容
固有害勦絕須明斷惟當審斤斧去惡無
傷善

韓公

一本公
作定州

閱古堂

兵閑四十年士不識金華水旱數千里民
流誰墾闢公初來視之嘻此乃予責將法
多益辦萬千由十百整齊一作容談笑間進
退有寸尺曰此易為身在吾繩與墨天成
而地出古所重民食貯儲非一朝人命在
旦夕惟茲將奈何敢不竭吾力木牛尚可

運玉磬

一作磬

作

猶走糴因難乃見材不止將

有得公言初未信終歲考成績驕墮識恩

威謳吟起羸瘠貌貅著行伍倉廩飽堆積

文章娛閑暇

一作閑

一作散

一作弄

傳記尋

一作觀

一作

往昔英

英文與武粲粲圖四壁酒令列諸將談鋒

摧辯客周旋顧視間是不為無益循吏一

州守將軍萬夫敵於公豈止然事業本夔

稷富壽及黎庶威名懾夷狄當歸廟堂上

有位久

一作况

一作

虛席大匠不揮斧衆工隨指

畫從容任羣材文武各以職

歐陽文忠公集四

十四

永州萬石亭

寄知

永州

王顧

一本上

有寄題注云柳子厚亭

天於生子厚稟予獨艱哉超凌驟拔擢過

盛輒傷摧苦其危慮

一作厲

一作

心常使鳴聲哀

投以空曠地縱橫放天才山窮與水險下

上極沿洄故其於文章出語多崔嵬人迹

所罕到遺蹤久荒頽王君好奇士後二百

年來翦雜發幽薈搜尋得瓊瑰感物不自

貴因人乃為材惟知古可慕豈免今所咤

我亦奇子厚開編每徘徊作詩示同好為

我銘山隈

居士集卷第四

答吕公著見贈百卉漸萎蕤按字書萎
於危切草木枯兒既云春膏已動脉豈
有萎枯之理當作歲蕤歲蕤草木華垂
兒選詩文物共歲蕤東都賦望翠華之
歲蕤今改作歲

贈李道士

石本作贈宗教李尊師名景仙

牙

石本作芽

惟當

石本

作但燁

石本作燁

別後寄聖俞夜挿

一作挿

君老

一作去

難阨

一作

艱檻穿

一作陷

尚在

一作幸

歐陽文忠公集四

十五

紫石屏歌在玉奩

一作在生

獲麟難以視

一作難

吁嘻

一作吁噫

飛蓋橋翫月風波

一作浪

答吕公著晉人

一作晉昔

送魏主簿我歎

一作歎我

人日聚星堂燕集探韻得豐字

作豐松

閱古堂周旋

一作振

萬石亭於文章

作於為

